



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exhortationes|| Ad|| Religiosos

Dirckinck, Johann

Coloniæ Agrippinæ, 1704

In festo Assumptionis B. V.

[urn:nbn:de:hbz:466:1-51834](#)



EXHORTATIO I. PRO FESTO B.M.V. ASSUMPTÆ.

Ostendit B. Virginem optimam partem elegisse, cámque
eligidam elle à nobis.

THEMA.

Maria optimam partem elegit. Luc. 10.



Agnus Propheta reperitur, eliget; optima dona ac gratias, quas in Angelis & hominibus claris disertisque verbis de Christo Salvatore nostro, e jisque Matre benedicta vaticinatur: *Ecce Virgo concipiet, & pariet filium; & vocabitur nomen eius Emmanuel: beryum & mel comedet, ut sciat reprobare malum & eligere bonum.* In hac promulgatione prophetica spondet Propheta Filium Virginis inter alias operationes, hanc quoque habiturum ex omnibus eligat bonum, sive optimum; deterius vero rejiciat. Pro quibus autem eliget optimum? Utique non solum pro se ac nobis, verum etiam pro dilectissima Matre sua. Hinc comedit beryum, quod est optimum lactis, & mel, quod est optimum floris; pro illa igitur haud dubit optimum, quod in celo terraque

Hujus rei figuram præclararam significat L. 1. Regum c.8.9. ubi Deus per summulum ius Regis populo proponit; & ait: *Hoc erit ius Regis: Optima queque tolleret sibi.* Quod autem Deus Regis Israël concessit, illud utique Matrem, coeli terraque Reginæ non denegavit. Hoc erit ius coeli terraque Reginæ: *Optima queque, quæ in celo ac terra reperiuntur, tolleret sibi:* ex omnibus donis, gratiis & favoribus, Mariæ debentur optima. Hac de causa verba illa à Christo de Maria Magdalena dicta, Ecclesia B. Virginis applicat: *Maria optimam partem elegit.*

Ostendam itaque in distione praeterti, quâ ratione B. Virgo optimam partem elegit: & quomodo nos ejus imitatione & exemplo optimam partem eligere oporteat.

I. Virgi-

L Virginitas res duas, sive duas partes complectitur; una est puritas, altera sterilitas seu infecunditas: nam ea ex una parte est pura, casta, modesta & immaculata; ex altera vero parte est sterilis, infecunda & sine prole. Optima ex his duabus pars est puritas, ac proper hanc alteram toleranda est. At Maria optimam partem elegit: Virginitatem puram illasque servavit; sed simul fecunditatem habuit, infecunditatem rejecit, verum id ex se non habuit, sed tanquam donum prorsus singularare à Divina Majestate ex eisdem gazophylacio accepit. Ut Isaías dicens predixit: Ecce Virgo concipiet & parvit filium c. 7. 14. Religiosus Societas in sensu morali imitetur B. V. habeat virginitatem seu castitatem & simul fecunditatem, ut multos Christo & in Christo pariat filios; quemadmodum de se aiebat S. Paulus: In Christo IESU per Evangelium ego vos genui 1. Corinth. 4. 17. & simul castitatem ut pupillam oculi puram & illasam conserveret.

II. Maternitas quoque duas habet partes; una est fecunditas, quā filios parit; altera est incommoditas & tristitia: ut Christus Dominus aiebat: Mulier cum parit tristitiam habet, Joan. 16. 21. Maria optimam partem elegit: B. Virgo concipit quidem & peperit Filium, verum incommoditatem, tristitiam & dolorem aliis mulieribus reliquit. Unum est, ait S. Bernardus serm. 8. de Assumptione: in quo nec primam similem visa est, nec habere sequentem: Gaudia Matris habens cum virginitate bonore. Sed hoc Maria privilegium est, non dabitur alteri, singulare est, sed continuo etiam indicibile inventum.

Religiosus Societas in sensu morali hoc privilegium procurare natur: ut & Mater sit, multos Christo gignens filios, sed sine tristitia & dolore: Hilarem enim datorem diligat Deus 2. Corinth. 9. 7. Sive concionando pariat filios Christo, sive catechizando, sive docendo in scholis, sive exhortologes excipiendis in templis, sine tristitia, sine dolore, immo cum gudio omnia faciat, & B. V. imitabitur.

III. Vita activa geminas habet partes, à quā Martha in Evangelio hodie non occupata fuisse legitur: una est occupatio, altera sollicitudo: illa enim Dei & proximi amore strenue est occupata & laboriosa; sed simul multis est molestis, curis & distractionibus implicata: Martha Martha sollicita es, & turbaris erga plurima. Luca 10. ait Christus: Martha placet mihi quidem occupatio & labor tuus, quem in coquendo, me meoque discipulos tractando exhibes; at displacest nimia sollicitudo & turbatio. At Maria, B. V. optimam partem elegit. Illa quidem Christo ministriavit fideliter, sed nunquam sollicitudinibus & turbacionibus locum dedit, semper Deo interitus occupata, & in eo defixa.

Religiosus Societas imitetur B. Virginem, dedit se vita activa, sed sollicitudinem proscriptat, studeat, legat, rudes doctrinā imbuit, millions obeat, pro concione dicat, agros, & incarcera-tos invisat, sed perturbationes proscriptat, Deo per meditationes, orationes & suspiria amorosa intimè conjunctus.

IV. Vita contemplativa duas habet partes, negotium & occupationem cum

Deo, sed otium cum proximo. B.V. Maria optimam partem elegit: Semper enim fuit occupata cum Deo contemplacioni Deitatis intenta, & simul Humanitati Christi serviendo, alendo, sustentando, vestiendo occupata.

Religiosus Societatis rursum etiam in hoc B. Virginem imitetur, sit coniunctus cum Deo, & simul invigilat proximo: habeat contemplationes & meditationes, sed in speculacione divinæ Majestatis non sifstat, sed ad proximum quoque perficiendum, salvandumque orationem dirigat; ut enim D. Thomas docet: Perfectus, adeoque Deo gratius est, contemplata aliis tradere, quam solum contemplari.

V. Passio, sive pati duas partes continet, dolorem, & perturbationem. Parter id in nobis ordinarie; si adversa patientiam, nos ipsis regere nescimus, dejicimur, turbamur, querimur, lamentamur, & quandoq; adversitatis Authoribus irascimur & imprecamur. B.V. Maria optimam partem elegit: scilicet, adversitates, dolores, contemptus, ut prædictum ei S. Simeon: Tuam ipsis animam dolerū gladiis pertransibit. Sed tanta resignatione & patientia de manu Domini acceptavit, ut nec minimam perturbationem senserit, nec minimam querelam protulerit: sed semper dixerit, Fiat voluntas tua: fiat iuxta secundum verbum tuum.

Religiosus Societatis imitetur B. Virginem, eligat pati pro & cum Christo, sed sine murmure, sine querela, sine vindicta: exemplo etiam Apostoli, qui dicebat: 2. Corinth. 4. In omnibus tribulationem patimur, sed non angustiamur

(non coarctamus, non suffocamus, ut veritatis Syrus Aporiamur, sed non deficiamus, aporiatur, id est ut explicat S. Ambrolius, rerum omnism penitus premimur, at non opprimimur. Persecutionem patimur, sed non derelinquimus, dejicimur, sed non perimus. Vala fiducia ex alta turri deiici & non frangi aperire mirum est: q. d. licet sumus valiticia & ex altissimis persecucionum turribus dejicimur, non tamen frangimur nec perimus. Semper mortificatus IESU in corpore nostro circumferentes, & vita IESU manifestetur in corporis nostris.

VI. Gaudere & honorari, seu prosperitas, gaudium, dignitas & honestas, duas partes numerat, scilicet, ipsam prosperitatem, latitiam & honorem, & operiam ac elationem animi: nos homines in prosperitate, & honore facile extollimur, evanescimus, alios contemnimus, nōque illis meliores esse censemus: Gut macht Muth/Gutthat selten gut/dicimus in adagio. B.V. Maria optimam partem elegit: Deus illam magnis donis & favoribus comulauit, in Conceptione & partu Filii, in Magorum adoratione; in electione ad Maternitatem, in Salutatione Archangeli Gabrielis: at illa constanter in humilitate sua stetit: Salutat illam Angelus gratiarum plenam: at illa se ancillam nominat: Salutat illam Elisabeth Matrem Domini, inter mulieres benedictam: sed illa se deprimit, & ancillam nuncupat: Ecce ancilla Domini. Ecce mibi magna qui potens est, fecit potentiam in brachio suo: Sed ego minima ancilla Domini sum & maneo.

Reli-

Religiosus Societatis B.V. imitetur & optimam partem eligat; si propter res eius succellum nanciscatur: deprimat se: Deoque gloriam tribuat: Non nobis Domine non nobis, sed nominis tuo da gloriam.

Si plausum & honorem in studiis, disputationibus, concionibus, actionibus reterat; humiliet se; dicaturque cum Apostolo: Soli Deo honor & gloria.

VII. In morte duas reperimus partes: una est unionis inter corpus & animam dissolutione; altera qua lequitur est corporis corruptio & incineratio, & consumptio a vermis. B.V. Maria optimam partem elegit, alteram rejecit.

Mater & unionis solutionem libenter de manu Dei acceptavit; eò quod sumnum Dei mandatum in omnes mortales edictum fuerat; teste Apostolo: Statutum est omnibus hominibus semel mori. Et quia hoc Dei mandatum Christus eius Filius non detrahebat, sic nec ipsa Virgo ab eo eximi voluit; estque mors bona; finis misericordiae, initium felicitatis eternae. Itaque Maria hanc optimam partem elegit: sed alteram scilicet corruptionem & incinerationem tam feliciter evaluit. Sicut etiam de Christo Domino vaticinatus fuit Prophet Psalm. 15. 9. Non dabitis sanctum tuum videre corruptionem. Quia is expers fuit omnis peccati, & Sanctus. Imò Sanctus Sanctorum: ita quoque B. Virgo corruptionis, incinerationis & putrefactionis expers fuit, quia à peccato tam originali, quam actuali immunis erit: corruptio autem est pena peccati, post Adæ peccatum mox inficta: Pudicit & in pulvrem reverteris Gen...;

Ubi ergo cessat culpa, cessat pena. Ac proinde sicut Arca B.V. figura ex lignis impurilibus compacta fuit, ita pariter ipsa B. Virgo incorrupta permanuit.

Religiosus Societatis hoc B. Virginis privilegium obtinere nequit: pulvis est & in pulvrem revertetur; sed hoc praefert, ut corpus in hac mortali vita a virtute & peccatis praeferunt fectis incorruptum servet; eligatque meliorem partem, non nimis illi indulgendo, sed frumentando, castigando, mortificando, ut post incinerationem & corruptionem temporalem, ad incorruptionem resurgat eternam in die judicii.

VIII. Gloria celestis duabus conflat partibus: una est gloria animæ, altera gloria corporis. Plerique mortales, qui salvi sunt, corpore in terra relicto, quo ad animam solam beatitudine donantur, donec in novissimo die corpus resuscitetur & pariter gloriæ eternæ donetur. At B. Virgo Maria optimam partem elegit, quando in celum assumpta, non solum quoad animam verum etiam quoad corpus. Ut ultra mille & sexcentos annos tenuit & tenet S. Mater Ecclesia. Prædixit id Vates Regius Psalm. 131. 8. dum ait: Surge Domine in requiem tuam, tu, & Arca sanctificationis tue: Tu: & Arca sancta, in qua 9. mensibus requievisisti. Præciniuit quoque idem David Psalm. 44. 10. Astitit Regina à dextris tuis in vestitu deaurato, circumdata varietate. Quem locum S. Athanasius in Evangel. de sanctissima Deipara exponit: dum inquit: Nunc adest Regina à dextris tuis in vestitu deaurato, circumdata sole, luna & stellis; Regina & Domina & Mater Dei à dextris filii;

P 3 ubique

EXHORTATIO I. PRO FESTO ASSUMPT. B.M.V.

ubique regnans... Non quasi sine corpore & carne afflat, sed quod induit sit incorruptionis & immutabilitatis: quantum ad carnem. Confinit Athanasius Bernardus ita dictum textum explicans: Afficit Regina in corpore gloriose, ut cuius splendore, post Filium, tota tunc sit Civitas Beatorum. Adstipulatur S. Augustinus serm. de Assumpt. Letatur, inquit, Maria corpore & anima glorificata, per proprium Filium, quem genuit, quem fecit, quem dedit Dei Genitrix, Dei Ministratrix, Deique Servitrix. Juxta illud Joan. 12. 26. Si quis mihi ministerat, me sequatur. Subi ego sum, illic & minister meus erit: de qua quoniam aliter sentire non audeo, aliter dicere non presumo. Cum enim illa peculiaris ratione Christo, praे omnibus Sanctis serviet, decuit etiam peculiaris ratione esse eum Christo filio suo in gloria, cum corpore & anima.

Religiosus Societatis hanc gratiam, hoc Virginis privilegium habere nequit: sed hoc praetare conetur, ut exemplo B. Virginis, Christo fideliter ministret, serviat, gloriam ejus querat pro viribus & augeat; ita post aliud tempus, corpus & anima erit cum Christo & B. V. in gloria.

Quapropter finio, & cum Moysè dico: Deut. 30. 19. Testes invoco hodie celum & terram; quod proposuerim vobis vitam & mortem, benedictionem & maledictionem: Elige ergo vitam ut vivas tu, i. In virginitate sunt duo, puritas & iterilitas; elige exemplo B. V. optimam partem, puritatem & spiritualem fertilitatem.

2. Maternitas habet duo, secunditatem & dolorem: elige optimam partem secunditatem & gaudium spatiuale. 3. Vita activa continet duo, occupationem & sollicitudinem, elige optimam partem, occupationem & laborem, sed sine sollicitudine. 4. Vita contemplativa complectitur duos occupationes cum Deo, & otium cum proximo. Elige optimam partem, & meditationes tuas ad proximum quoque juvandum dirige. 5. Passio numerat duo dolorom & perturbationem. Elige tripartitam partem, pati pro Christo, sed abique animi perturbationem. 6. Prospexitus habet duo, exultationem & exaltationem animi. Elige optimam partem & in omni prosperitate & honoris humilem exhibe. 7. In morte reperiuntur duo, solutio unionis & corruptionis. Elige optimam partem, incorruptionem peccati, ut tota aternitate maneat incorruptum. 8. In gloria inveniuntur duo, anima & corporis beatitudo. In fideliter Deo ministret, ut post tempus aliquod anima & corpus tuum, metetur eis cum Christo in gloria. Eligitur sed secundum Regulas resolutionis, à S. P. N. Ignatio propria, hoc elige, quod in hora mortis & in die judicii te elegisse optares; ita non aberabis, sed ita eliges, ut aliquando in cœlesti gloria, cum Christo Domino & cum Beatissima Virgine, omnibusque Sanctoris optimâ parte frui sis, que non afferatur à te in aeternum.

Amen.

EXHOR-



EXHORTATIO II.

PRO FESTO ASSUMPTIONIS B.M.V.

Ostendit, sicut Christus B. Virginem, ita animam Religiosam
vocare ad perfectionem & coronam.

T H B M A.

*Veni de Libano Sponsa mea, veni de Libano, veni; corona-
beris. Cant. 4, verf. 8.*

Rædictus textus,
ut i & totum
Canticum Can-
ticorum, exmen-
te Interpretum,
triplicem con-
tinet sensum: pri-
mus est ad aqua-
nas actotalis de Christo & Ecclesia: se-
condus principalis de Christo & Beatissi-
ma Virgine: tertius partialis de Chri-
sto & anima sancta. Alloquens igitur
Christus Sponsam suam: *Veni de Libano
Sponsa mea.* 1. In primo sensu vocat Ec-
clesiam Gentium ad Christianismum,
ut veniat de monte Libano, Amana,
Sanir, & Hermon, qui sibi erant in vici-
nia Iudeæ in Phoenicia, ubi habitabant
Infideles & Gentiles; ut veniant ad ve-
tam Ecclesiam in Jerusalem, ad mon-
tem Sion, ad montem Oliveti & Cal-

variae, ubi Christus captus & crucifixus
est, quod in eum credant, atque ita Ec-
clesia Christianorum aggregentur. 2.
In sensu secundo vocat B. Virginem ad
summam perfectionem ac deinde ad
celum, ubi tanquam celi, terraque
Regina sit coronanda. 3. In tertio sensu
Christus vocat animam à statu pecca-
ti ad penitentiam & gratiam: à con-
cupiscentia carnis, quam significat *A-
mana*, ad castitatem: à concupiscentia
oculorum & avaritia, quam significat
Sanir, ad paupertatem: à superbia vitæ,
quam significat *Hermon*, ad humilem
obedientiam.

Nos reliquo sensu primo, secundum
& tertium exponemus ac declarabi-
mus; sicut B.V. vocata est ad perfec-
tionem & coronam, ita quemlibet Tiro-
nem à Christo ad perfectionem & co-
ronam evocari.

I. Veni

I.
Vocatio
B. V. ad
perfeccio
nem.

I. Veni de Libano Sponsa mea. Christus Dominus Sponius dilectissimus ac speciosissimus, Beatisumam Virginem, Matrem tuam, tanquam Sponsam singulariter ab aeterno dilectam; ab initio usque ad finem vitæ, per singulares illustrations, per singulares inspirationes, per singulares excitaciones, & motus voluntatis ac denique per singularissimas, extraordinariæ que gratias ad majorem & maiorem perfectionem vocavit. Veni de Libano Sponsa mea. Ubi ter dicit Veni; excitans eam ad apicem perfectionis triduplicis viae.

1. Enim vocavit eam ad summam anima puritatem; atque illa sic vocationi & gratia Dei est cooperata, ut tota vita, nec mortale, nec veniale, nec originale peccatum habuerit; ut ipse de ea testatur Cant. 4. Tota pulchra es Amica mea & macula non est in te.

2. Vocavit eam ad apicem omnium virtutum: in quibus illa singularis diebus, horis & momentis, ita profecit, gratia Dei cooperando, ut plena fuerit altissimis virtutibus, humilitatis, patientia, obedientia, paupertatis, castitatis, charitatis. Eaque de caula à Sponso vocatur Hortus conclusus, omnium virtutum floribus exornatus. Cant. 4. vocatur Paradisus malorum granatorum, ibidem. In quo Cyprus cum nardo, nardus & crocus, fistula & cinnamomum, myrra & aloë, cum omnibus primis unguentis; id est omnes virtutes perfectissima atque excellentissima reperiuntur.

3. Vocavit eam ad summam perfectionem charitatis, quæ apex est per-

fectionis. Hinc ipsa testatur: Amore languo; id est ægra sum pte amore: atque hoc amore cor Sponsi vulneravit, & ad mutuum amorem pellexit: Vulnerasti cor meum Soror mea Sponsa. Cant. 4. Pulchra ut Luna, electa ut Sol.

Atque hic est sensus principalis, transeamus nunc ad partialem de Christo & anima sancta: possent quidem hæc etiam applicari in sensu totali ioh Ecclesiæ; quia & ipsa vocatur à Sponso: sed moralia melius percipiente in particulari. Ergo Sponius est Christus, Sponsa est, mea, tua, & cupustusque Religiosi aut Tironis anima. Hic Sponius vocat te ad triplicem viam perfectionis; & quidem

1. Ad viam purgativam, seu incipientium. Veni de Libano ad montem Sion, hoc est de Infidelitate & Idolatria ad Ecclesiam, ubi a te Libanum, græc & hebraic significatus, quod Idolis offertur, ad montem myrræ & thuris, id est, mortificationis & orationis. Deinde vocavit te de mundo ad Religionem; de capite Amana, Sanir & Hermon, quæ sunt cibilia Draconum, Leonum & Pardorum, id est, vitiorum, ad Paradisum Religiōis Ordinis, de montibus ad gloriam perfectionis; de montibus superbitæ, avaricie, luxuria ad vallem, paupertatis, castitatis & obedientiae. Vocavit te, Sponius, & tu secutus es; domum probationis ingressus es; in primis exercitiis horrorem peccatorū concepili, & eadem cum dolore magno es detestatus & exhomologesi de tota vita expiatus; omnia hæc sunt dei vocatis & efficaciter ducentia

ducentis beneficia. Nunc ulterius te vocat ad ulterius viam purgativam de-
currentiam; jam à gravioribus delictis
liber, etiam veniales návios deliberatos
cavere studeas, vita mortifices, passio-
nes domes, mores mundanos exuas, ac
religiosos induas; atque ita anima tua
Christi Sponsa tota pulchra evadat.

2. Vocab te, tanquam Sponsam
dilectam, ad alteram perfectionis viam,
quam illuminativam dicimus, atque
ad progrediendum in ea, inspirationi-
bus, illustrationibus, sacris lectiōnibus,
exhortationibus, colloquiis piis &
exemplis te excitat. Jam jubet te
ascensiones in corde tuo disponere. Psalm. 8.
Jam caput te ire de virtute in virtutem.
Psal. 83. Jam optat, ut si justus sis,
iustificeris adhuc. Apoc. 22. Jam desiderat
te crescere in salutem. 1. Petri 1. Jam petit
te transformari à claritate in claritatem.
2. Corinth. 3. Et ad anteriora te extendere.
2. Corinth. 4. Et probare poriora. Atque
ita currere ut comprehendas. 1. Corinth. 9.
Iustorum enim semita, quasi lux splendens,
procedit, & crescit usque ad perfectum diem.
Proverb. 4. 18.

3. Vocab te ad viam unitivam, seu
Charitatis, ut radicatus & fundatus
in Charitate, omnia agas ex Caritate,
& ut Sponsa dilecta Sponsum ames
ex toto corde, ex tota anima, ex toca-
mente, atque ex omnibus viribus,
exemplique Benedicta Virginis Matris
in Caritate crecens, donecad culmen
pervenias.

Hac omnia ut præstes, vocantque
obedias, obligat infinita Sponsi bonitas,
amabilitas, suavitatis, pulchritudo, &
excellencia, exigit hoc infinita summoru-

beneſiorum magnitudo & multitudo.
Requirit animus gratus, ob maximum
tam benevolia vocationis beneficium;
& periculum, si neglexeris.

II. Veni de Libano Sponsa mea, veni,
veni coronaberis. Ubi transacta jam
fuit vita Beatissimæ Matris, eandem
ad præmium & coronam evocavit: &
quia ter repetit: veni.

1. Eam vocabit ad ultimum &
excellentissimum actum amoris Dei,
quo mensuram suorum meritorum,
ad quam præelecta erat, implevit &
simul vitam finivit. Non enim ex aliqua
infirmitate, sed ex languore divini amo-
ris defuncta est: cojus vehementia ani-
mam ejus ita rapuit ad suum Dilectum,
ut eam non tantum à sensibus abalie-
naret; sed etiam (ut ipsa S. Birgitta
revelavit Lib. 6. c. 62.) à corpore sepa-
raret, ut cum ipso aeternum maneret
conjuncta in calix. Nec decuit eam,
qua est Mater pulchre dilectionis, aliâ
morte mori, quâm amoris; quia
Fortis est ut mors dilectio. Quâm verò
intensus fuerit hic actus amoris,
nec mens concipere, nec lingua nostra
exprimere valet. P. Franciscus Suarez
Tom. 2. in 3. p. Disp. 21. Sect. 1. docet,
eum omnium Seraphinorum simul
amorem superasse; quoniam immensa
eius virtus per tres & sexaginta annos
continud aucta ferventissimis actibus,
tunc omnes vires suas exseruit, & singu-
larissimo quodam Dei auxilio excitata,
omnibus prædictis excellentiorem pro-
duxit actum amoris, quem (quia Caritas,
ut ait Apostolus 1. Corinth. 13. nunquam
exiit) in Patria, sub alio meliore modo
erga Deum clare vñsum continuavit.

Q.

2. Hoc

Vocatio
B Virginis
ad coronam

2. Hoc actu jam consummato ,
vocata est Beata nei Parens ad coronam
gloriae & beatitudinis essentialis . Ter
Eam vocat, ut det ei ternas animae dotes
seu laureas, nimirum D E I visionem,
dilectionem, & fruitionem, seu com-
prehensionem, qua tribus Virtutibus
Theologicis respondent . Nam videt
B. Virgo in calis clare quidquid in via
per Fidem credidit ; comprehendit seu
tenet, quod speravit ; eoque jucundè
fruitur, summo prosequens amore eum,
quem hic amare ceperat . Atque hæc elt
Diva Virginis & omnium Beatorum
Corona , seu triplicis corona tiara ,
qua juxta merita sua coronatur &
exornatur .

3. Vocata est tertio (ut p[ro]i[er]e creditur)
triduo post ad corporis resurrectionem ,
ut secundum corpus & animam
in caelestia Regna assumpta , &
supra Angelorum Chorus exaltata ,
integrum suorum operum præmium
reciperet : & coronam non solum
magnificentissimam, beatitudinis essen-
tialis lauream : verum etiam tres lau-
reolas, Virginum, Martyrum, & Docto-
rum, ob difficultia certamina acciperet ,
& p[ro] aliis condecoraretur . *Veni coro-
naberis.* Tripli hæc coronatione
Pater ostendit suam Omnipotentiam :
Filius Sapientiam ; Spiritus Sanctus
ardentem Caritatem .

De hæc igitur triplici vocatione
& coronatione , & gloriæ tantæ , quæ
à Filio suo Virgo sanctissima est
assumpta in calum, ex animo gaudea-
mus : de tot coronis ex corde eidem
gratulemur . Eamque intimè rogemus ,
ut nostra in calis sit potens Advocata ,

gratiæque nobis uberem obtineat
quæ ejus exemplo vocem Dei vocantis
audiamus ; in triplice via perfectionis ita
imitemur, ut simili, pro modulo nostro ,
gloriæ in calis coronari mereamur .

Carissimi, si hæc quæ dixi pratice-
rimus, & hanc triplicem vocationem
exaudiemus, atque ardenter imple-
verimus ; tandem in fine vite nostre
Cælestis Sponsus Sponsam suam ,
non secus ac Virginem Beatam triplici
vocatione vocabit . Et quidem

1. *Veni de Libano Sponsa mea* : Veni,
ut anima tua menituram meritorum ,
in vita jam prop[ter]e completam, per-
sum & excellentem Caritatis actum
compleat, atque ita attingat mentulum
ad quam D E U s eam prælegit . 2.
Veni de Libano, ab ipsa morte animam
vocat, in ipso egressu à corpore ; quæ
si plenè sit purgata , invitatur ad præ-
mium beatitudinis essentialis, ad coro-
nam gloriae, ad claram Dei visionem,
dilectionem, fruitionem . *Veni coro-
naberis.* 3. *Veni de Libano*. Tertiò vocat
in generali resurrectione ; cum anima
vocatur ad recipiendum corpus glo-
riosum, summæ gloriæ & honore coro-
natum .

O Charissimi , si magnitudinem
hujus glorie & coronæ penetraremus !
quanto studio conaremur , animam
à viciis purgare , virtutibus illustrate,
accendere Caritatem, ut cum Beatissimi
Matre ter ad coronam glorie vocari
mereremur ? maximè si ejus suavitatem
& amabilitatem probè cognoscemus ?
Quis enim animo concipere aut verbis
exprimere poterit , quanta futura sit
vocationis hujus ultimæ suavitatis, ame-
nitas

nitas & dulcedo? Nam 1. Suavis & amena erit ex parte vocantis: non enim vocare Angeli, ut Matth. 24. Ecce sponsus venit, exite obviām ei; sed ipse Sponsus Cœlestis vocat: *Veni de Libano sponsa mea; venis coronaberis coronā,* quam ego tibi preparavi. 2. Suavis & amena erit hæc vocatio ex parte Sponsi, quæ sufficienter preparata inventur, & purgata atque ornata ad nuptias, dealbata ut Libanus nive teles. 3. Suavis & amabilis erit ex parte Mundi, qui relinquitur; qui est cubile Leonum, & Pardorum antrum. 4. Tandem suavis & jucundissima erit ex parte coronæ sponsalitiae, quæ Sponsa in die despositionis solet coronari. 5. Quoniam verò naturale est mortem timere, Sponsus Sponsam suam confortatur verbis, quæ habentur in Hebreo Textu: *Mecum a Libano sponsa; mecum à Libano venies.* quasi diceret: ne timeas, ego tecum sum, ego tibi adero, mecum venies, & ad me venies in unquid Sponsa liberter relinquat patrem & matrem, ut sit cum Sponso? cui ergo tu non libenter reliquis omnia, ut ad me venias, & in regiam meam introeas? An retinet te candor Libani, seu gloria hujus Mundi? Sed longè candidior & glorioſior Libanus est in Regno meo: Ego ero tibi Libanus; sic enim me Cantic. 5. nominas: *Species ejus ut Libani.* Et quidquid in mundo deseris, in me infinitè melius reperies. An forte times pugnam, quam in agone Diabolus excitat, scens quia modicum tempus habet? Non est cui timeas: Ego veniam &

protegam atque defendam: Veni, non vincēris, sed vinces; & ideo cor noberis. Quid ergo detineris in cubili Leonum & Draconum? Confer locum quem deseris, cum eo, ad quem venis: vallem lacrymarum, cum Paradiso deliciarum; cubilia draconum & montes pardorum, cum mansionibus Angelorum & Sanctorum: Principem & caput hujus mundi, qui est diabolus, cum Capite Ecclesiæ triumphantis, qui est Christus, à quo vocaris & coronaberis.

Quapropter, Charissimi, si hæc nos delectant, si ultimam vocationem desideramus, acceptemus primam: *Hodie si vocem ejus audieritis, nolite obdurare corda vestra.* Vocat hodie Sponsus ad puritatem animæ, exemplo B. Virginis audite vocem ejus, in diésque illam serio & pro viribus procurete. Vocat ad studium virtutum, exemplo B. Virginis, quæ fuit hortus omnibus floribus (virtutibus) referensim: audite Sponsi vocem, & in iis progressum facere studeate. Vocat ad culmen Charitatis, nolite obdurare corda vestra, sed aures inclinate; & B. Virginem præuentem alacriter sequimini. Quod si feceritis, ut ipsa, ita & vos tristitia amoenissimæ vocatione in morte vocabimini ad meritorum complementum, ad gloriam essentialiem, & in die Judicij ad resurrectiōnem corporis glorioſam; atque ita læti in Patriam cœlestem ibitis, ubi Deus Pater est, Christus Sponsus, B. Virgo Mater, Angeli Fratres, Beati omnes Amici, & Domestici, cum quibus æternū coronabimini.